

## 疼痛我的~阿媽

佇這個世界，有誠濟關心、疼惜阮的人，其中我感覺上愛我、上關心我的人就是我的外媽。

大概佇我差不多四歲的時陣，阿媽買一本弟子規予我，彼本冊又閣厚又閣重，攏總有二百外頁。彼時阿媽共我講：「只要你一工背一頁，我就恁你出去耍。」了後，我逐工真正足認真背一頁貼貼，阿媽嘛照約束恁我出去耍，阮的跂跡強欲走遍規臺中。

有一擺，阿媽共我講伊欲恁我去新起的臺中火車頭行行看看咧，結果我媽孫仔兩人佇車頂顧講話，一落車煞發現是彰化火車頭，日頭赤焱焱，腹肚枵甲咕嚕咕嚕叫，閣毋知路欲按怎行，拄好佇幹角有一間咧賣美國割包，阿媽緊買一份予我止枵，雖然無講蓋好食，彼擺的旅程回憶卻是予我永遠記佇心內。

阮阿媽毋是干焦會恁我出去耍爾，閣會教我做作業。阿媽閣愛我背字音字形、唐詩、成語等等，向望我讀國中進前，先共基本的物件記起來，共基礎拍予在，伊定講：「萬丈高樓平地起，樹頭若倚予在，毋驚樹尾做風颱。」

阮阿媽定定會來關心我的作業，看我佇咧抓頭殼的時，就隨倚來問我：「這條題目是毋是無啥會曉？」阿媽攏會先斟酌解說，會解破愛用啥物方法，佻我討論，了後才慢慢仔引導我按怎算，舉一寡仔較倚意的例予我思考、動腦筋，繼落去去做題目，就會發現其中的銜角。阿媽除了看我的功課以外，逐擺出去參加老人會的活動，轉來攏會紮一寡小食轉來予我啖糝！

人會欣賞別人對你的關心，予咱存著感激的心，將來嘛一定會去體貼別人，我真幸運沉醉佇愛的生活中。